

**Uunga siunnersuut: Nappaatit tunillaassortut akiorniarlugit iliuitsit pillugit
Inatsisartut inatsisaata aappassaaneerneqarneranut akissuteqaat**
(Meeqqanut, Inuusuttunut, Ilaqutariinnut Peqqissutsimullu Naalakkersuisoq)

Akissuteqaat

(Meeqqanut, Inuusuttunut, Ilaqutariinnut Peqqissutsimullu Naalakkersuisoq)

Aappassaaneerneqarnera

Aallarniutigalugu Naalakkersuisut sinnerlugit Ilaqutariinnut Peqqissutsimullu Ataatsimiititaliap siunnersuummik peqqissaartumik suliaqarsimaneranik isumaliutissiisummillu saqqummiineranut qujassuteqarfigaara.

Takusinnaavara siunnersuut Ilaqutariinnut Peqqissutsimullu Ataatsimiititaliamit tamarmiusumit akuerineqartussanngorlugu inassutigineqartoq.

Ilaqutariinnut Peqqissutsimullu Ataatsimiititaliap isumaliutissiisummi ilanngullugu oqaatigaa Inuit Pisinnaatitaaffiinut Instituttip tusarniaanermut tunngatillugu akissutaata imarisai isumaqatigalugit. Naalakkersuisut sinnerlugit erseqqissaatigissavara Inuit Pisinnaatitaaffiinut Instituttip tusarniaanermi akissummini saqqummiussai soorunami paasilluarsinnaagatsigik taamaattumillu aalajangersakkami oqaatigineqartut aatsaat pissusissamisoortillugu pisariaqartillugillu atortassagatsigik.

Naalakkersuisut taamatut naatsumik oqaaseqarlutik siunnersuutip akuersissutigineqarnissaa anguniarlugu pingajussaaneerneqarnissaa inassutigaat.